

www.BibleForChildren.org

SAN MATEO 8




Cuahn che a co ino ro che chinduco Felipe man,
Natanael man, Dihvo vo ne, chihnde ama vihcó che
rihnevaco ihyán, ama yan che duche Caná, estado
yahn Galilea. Chaco Dihvo vo ne, a quenán ye min.



Namin Dihvo vo nduco ihyan che rinduco ye
ihyan ne, yahve ihyan che redin vihco me
ihyan cava che cahn ye conduco ye.




Cade mendahn vihco me ne, a chihno vino, ne rahn
chaco Dihvo vo ri ye ihyan: —A chihno vino yahn ihyan
sih. ¿A hua conen tah ihyan? Tuhme rahn chaco ye
ri ye sahn che chenan se rinan se nan vihco me:
—Codinahn nchuhn nducuahn che cahcantiyon ye.



Rahn Dihvo vo ri ye sahn chahn:
—Cuedecuto nchuhn nune chite che
tihchan vate tan.



Cuahn che a chihno decuto nahn se chite
chahn ne, tuhme rah̄n Dihvo vo ri ye sah̄n:
—Man ne, cuetendah nchuhn tah, ne cah
ne ndaco ndihte. Dinahn sahn chahn, ...




... ne cah se ndaco ndihte me,
dechihn ye. Nune me ne, a
ntacondavino, nde hua
devano ndaco ndihte me
ti chica, atenan sahn
chahn.



Tuhme cah ye sahn che rihnevaco me, ne rahn ye ri ye sahn: —Nducoyaca ihyān che redin ye vihco ne, dinoca vino ndah recah ye, ne cuahn che a ya ndih ihyān ne, recah ye vino ndere. Me di ne, ɛdehra cuande che denderen che redin, nde man tendah vino ndah?





Tihca_chi che canan din Dihvo vo vederihno,
min yan Caná, estado yahn Galilea,
chihco ro ye che ama yudo
vederihquentiyon che
quenán cuma ye, ne ihyan
che rinduco ye ihyan
ne, chitahno ye ihyan.



Ama yune ne, chahn Dihvo vo
Jesucristo ndevaco Pedro, ne
indah Pedro ne, quendite ye,
ndi ye cah ihno.




Nahn tah ye tah ihyan min, ne ndoyahn
ye, chavi cah ihno me. Tuhme necuan
ye, ne cah ye, cheh ihyan chahn.



Cuahn che a chi chino me,
ura che a chehche yahn
ne, ihyan viyan ne,
quenda ye ama yahn
ihyan cah man, ihyan
che chenun vaco
chihnga ihyan man,
nan Dihvo vo. A
nahn nducoyaa
ihyan yan ne,
ndo dama ye
chendevah.



Din Dihvo vo che ndoyahn ihyan cah chahn, che ama
ndeh nan cah ndi ye, ne ndetendah ye vaco chihnga
che chenun ihyan. Ate hua cah yune ye che cahma
duh ihyan ye, te a devano che Daya Dendiohs ihyan.



Ihyan che cah ye ne, nahn nahn tah ye Dihvo vo yahn
che quenan cuma ye vederihquentiyon chahte, ne
nducoyaca ihyan che
tihca redin ye
ne, ndetahno
rendoyahn ye.



Ura min ne, nda cun ihyan, nda
ye a_ma sahn che ndi cheche se.



Ate nducote ama yahn ihyan chenun
ye min ne, hua chi chuh ye chendevah,
chendaye nduco se nan Dihvo vo. —

Tuhme nda ye sahn tin vah,
ne min ntihne ye ama ndi
ima vah cuahn nan
che quenun
Dihvo vo.



Cuahn che ndahcondah ye ama
ive nan ima vah ne, ndedevah
ye yundo nan che quendite
combiero yahn ye,
nda se nan
Dihvo vo.




Cuahn che ndihchero Dihvo vo
nduhca che ritahno ihyān
chahn ne, rah̄n ye ri ye
sahn: —Dayá, a nchahcó
nunde yehn. Tuhme
rah̄n ye ri ye sahn
che ndi cheche
me: —Ráhn rí di,
cuenecuen, cotah
yundo yehn, ne
conahn ndevaque.



Chihno min ne, chenda Dihvo
vochete barco me nduco
ihyan apóstol yahn ye, cuahn
ye nduco vih. Ura min
canan rano yuhne tan,
ama rendedecuan nune
nan vine me nde a
renda chete barco
me. Me Dihvo vo ne,
quiyado ye.



Ndahconan Dihvo vo: —ċDehco che ama vah nchuhn?
ċTaca che hua numa ino ne ritahno ne? Tuhme necuan
ye, chihco dihn ye yuhne me man, vine me man, ne
nuhnde dihn. Nduco neve se
van ihyan chahn, ne rahn
se: —ċDuhra ihyan
cuh che nde yuhne
man, nde vine man,
redinahn che
rihqquentiyon ye?



'Tihca, te ama
yahino Dendiohs
ihyan iyehnse, ne andahre ama ndiyahn
ra Daya ye, ate chihco mendahn ye
ihyan, cava che nducoyaca ihyan che
cotahno ye ihyan min ne, ndevahn
ye, cuahtenan ye vahchetero
numacuahn ro.



ROMANOS 3:23 Nducoyaco vo ne, chendihco
vo nunde, nde hua co cahmo vo che ndah
ihyan uvo nan Dendiohs.

ROMANOS 6:23 Ihyan che rahtendihco ye nunde ne,
va che co ye castigo, din nunde yahn ye. Ate ihyan che
ndichahtino ye Dihvo vo Jesucristo ne, numacuahn
vedevahino, ndeva Dendiohs ihyan, cuahtenan ye
vahchetero numacuahn ro.

HEBREOS 9:27 Nducoyaca ihyan iyehnse ne,
a nihnde cade che va che coh ye. Adiva ne,
va che techecade Dendiohs yahn ye.



EFESIOS 2:8,9 Din ye che chitahno vo ihyan min,
ndedevahn ye uvo numacuahn vedeyahino yahn ye. A yahn
vedeyahino yahn man ye din ye che chitahno vo, ndiyu
yahn vederendedecadino yahn man vo man,
ndiyu yahn che rigonun chihve dehtenduh che nedin vo
man. A tihca va cade cava che hua din
yade nde ama ihyan.

ROMANOS 10:9,10 Cava che ndevahn nchuhn ne, nahn
che cotahno ne numacuahn chedave yahn ne, che Dihvo
vo Jesucristo ne, ndedetuhche Dendiohs ihyan van
tenahn, ne cahma ne che a ihyan min che Dihve ne,
renehahnecun ne ihyan. Tihca, te ihyan che numacuahn
chedave yahn ye ritahno ye Dihvo vo Jesucristo, ne rahn
ye che ihyan min che renehahnecun ye ne, ndevahn ye, ne
rendo yan Dendiohs nduco ye, renedin yahn ye ihyan.



SAN JUAN 3:16,17 'Tihca, te ama yahino Dendiohs ihyan iyehnse, ne andahre ama ndiyahn ra Daya ye, ate chihco mendahn ye ihyan, cava che nducoyaca ihyan che cotahno ye ihyan min ne, ndevahn ye, cuahtenan ye vahchetero numacuahn ro. Dechuh Dendiohs Daya ye muhn iyehnse cuh, ndiyu cava che din ye castigo ihyan iyehnse, ate cava che cotahno ihyan iyehnse ihyan min, ndedevahn ye ihyan.

1 JUAN 5:11-13 Rahn Dendiohs ndiyu deman che a ihyan min che Daya ye, ate namin rahn ye te ihyan che ritahno ye ihyan ne, ndevahn ye, ne cuahtenan ye vahchetero numacuahn ro. Ihyan che ritahno ye Dihvo vo Jesucristo, Daya Dendiohs ne, cuahtenan ye vahchetero numacuahn ro. Ate ihyan che hua ritahno ye ihyan ne, nde hua ndaca vahchetero cuahtenan ye. Tihca dirun yahn nchuhn che ritahno ne Dihvo vo Jesucristo, Daya Dendiohs, cava che codevano cuaco ne te cuahtenan ne vahchetero numacuahn ro.



SAN MATEO 8-9; SAN MARCOS 1-2, 4;
SAN LUCAS 4, 8; SAN JUAN 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Cuicatec, Teutila Bible (cut) © 1972, Wycliffe Bible
Translators, Inc. All rights reserved.

<https://www.bible.com/bible/843/MAT.1>

©2026 Bible for Children, Inc.

www.M1914.org

www.bibleforchildren.org

